



### Vorrede.

Gnad/ fried vnd freud In dem heiligen Geist wünsch ich Hanns Jacob Fugger Herr vom Kirchperg vnd Weissehorn vnd zur Pfirde / der Römischen Kaiserlichen und Königlichlichen May-steten Rath/ u. als ain Stifter vnd Ordnerer dieses neuen Deserreichischen Ehrenwercks allen meinen Erben vnd Nachhomben sambt allen wahren Liebhabern des Edlen Deserreichischen gebiets vngunder vnd In Ehonffziger Zeit von gantzem Herzen Amen.



Die warhafft vnd gelerte Historischreiber sein In dem/ das aller gewalt auf Erden allein von Gott dem Allmechtigen/ verordnet vnd hergestoffen seye / ganz Vimmuetig / der hochberuembte vnd elcriste Poet Homerus hat seinem Künig Agamemnonem also beschriben / das er von niemandt Anderem dann von dem höchsten Gott Ioue herkome / auch von demselben zue einem Künig erwellet worden sey/ Vegetius zeiget In das die Kayser vnd Künig/ one alles mittel von Gott / den Menschen auf erden gegeben werden / mit welchem der heilige Apostel Paulus auch stimmt / der zue den Römern am dreyzehenden Capitel / also schreibet / das kein gewalt auff Erden sey dann allein von Gott/ vnd welcher demselben gwalt vnd Obriqkheit nicht gehorsame / der widerstrebe die Ordnung Gottes.

Vnd Ob schon etwann die Ordenliche Oberkheiten/ als die Höchsten Haubter der welt nit yderzeit von Gott dem Allmechtigen nach willen vnd gefallen der Menschen / verordnet vnd beruffen werden / So mäcgen dieselbigem die herlichen exempell der heiligen Patriarchem Isaac vnd Jacob von welchen Moyses in seinem ersten Buech am Acht vnd zwanzigsten vnd Acht vnd vierzigstem Capittel schreibet/ sechen vnd daraus Lernenn/ Nemlichen wie der Jacob dem Esau vnd Ephraim dem Manasse (vngangesehen der Ersten geburt vnd das solliches dem heiligen mann Joseph befrembdet) nach dem gefallen Gottes / In dem gewalt vnd regierung ain ander fürgesetzt worden sein / Also geschah dem heiligen vnd Königlichlichen Propheten Dauidt auch dann als Gott dem Propheten Samuel beuelh gab / das er ainem aus den Sünner Isaac zue ainem Künig über das gantz Israhell salbem solde/ da vermainet der Prophet / er solte den Elcristem / vnd Ansehenlichster zue ainem Künig salben / Es saget aber Gott zue Ime / nain nit Also/ es geet bey Gott nit zue wie bey dem Menschen/ ein Mensch